

RIJEČ UREDNIKA

Poštovani čitaoci i saradnici časopisa Univerzitetska hronika, dvadesetpeto izdanje posvećeno je jednom dijelu naučnih i stručnih radova sa Međunarodne naučno-stručne konferencije, održane online putem platforme Microsoft Teams, a u organizaciji Fakulteta za menadžment i poslovnu ekonomiju Univerziteta u Travniku, na temu: „Ekonomija i menadžment - izazovi i predviđanja za održivu budućnost“.

U časopisu su izdvojeni radovi koji jasno oslikavaju probleme realnog sektora i jasna i precizna rješenja koja smo prosljedili vladajućim strukturama vlasti, a kada je u pitanju trenutačna karakteristična situacija obilježena pandemijom koronavirusa. Na okruglom stolu, koji je također održan online, smo oblikovali zaključke i dodatna potrebna pravna rješenja kojima država može olakšati i pomoći privatni sektor, a posebno obrtnike, male privrednike, ali i sektor obrazovanja koji se našao u veoma teškoj situaciji. Tim urednika je i ovog puta na čelu s izvršnim urednikom, marljivo radio i od ponuđenih mnogobrojnih radova predložio ovih deset radova za ovaj broj, i već pripremamo novo izdanje tematskog časopisa za ovu godinu sa radovima sa konferencije. Iskreno se nadam da će autori čiji radovi čekaju na red za objavljivanje imati razumijevanja i strpljenja, jer ipak smo brojem radova još uvijek ograničeni.

Vjerujem da će sadržaj ovog izdanja časopisa zadovoljiti interese čitalaca, a posebno onih koji se bave ekonomskim razvojem i preduzetništvom. Svakako bih još jednom zahvalio našim brojnim uglednim recenzentima koji su nam tok ove godine posvetili veliki dio svog vremena, stoga im u svoje ime, u ime uredništva najljepše zahvaljujem.

S poštovanjem,

Glavni i odgovorni urednik
Fuad Bajraktarević